

倚姓樓傳奇

倚姓樓傳奇

居官鑑卷下

海鹽黃燮清韻珊填詞

原名憲清

哭災

第十四齣

淨神裝跳舞上。天曹賞罰本無私。明鏡高懸不可欺。只爲人心乖正道。故教災厄警明時。我神乃浙江城隍司。神駕下判官是也。近因東南一帶。民情不古。風俗日偷。天降災祲。俾知警懼。是以本年自春徂夏。霖霖累月。洪水橫流。家室漂搖。田疇湮沒。天公垂戒。豈無仁愛之心。人力回春。要具感通之理。今有仁和縣令王文錫。循良

月官金
愷惻誓拯顛危待他到此不免於夢中略示因由以副
其悱惻誠求之念話猶未了那王縣令早則來也虛下

生上

端正好赤輪埋蒼天漏瀉銀河倒掛長流恨茫茫誰把
瘡痕救長歎息空搔首

下官王文錫新任仁和縣令正擬栽培民氣提倡文風
不料淫雨爲災流離滿目自顧官卑職小拯濟無權惟
有虔禱司神默祈靈祐爲此卻從徒步登山來此已是
郡神廟門不免逕入進介噯呀神聖阿神聖你血食一

方光昭祀典。生靈疾痛悉賴神庥。今日遭此鉅災。怎不

一施救援也呵。

水災真景
敘來自然
痛切

神之聽之
終和且平
居官者皆
當作此想

滾繡毬。忍見那莽江湖動地流。忍見那很雷霆連陣走。忍
見那市廛間蛟龍徙寶。忍見那樹林中舳艫移舟。忍見那
美田園荇藻浮。忍見那好禾苗根株朽。百忙裏生拆開誰
家骨肉。一霎間死縱橫各樣骷髏。淚介。喲神聖呵。你從
來四時祈福三牲受。早難道百姓遭災一概丟也。須要共
樂同憂。

喲神聖阿。我與你分隔陰陽職。均司牧人間苦樂。彼

此同之。如係墨吏貪官。沈冤枉獄。上天鑒察。罪有攸歸。
百姓何辜。罹茲慘劫。惟冀哀忱上籲。默挽天心。凡有災。
殃。願以身代。

峽猿鈴雨
聲聲斷腸

叨叨令。聽了這風兒。雨兒。蕭蕭瑟瑟的。湊逼撥得江兒海。
兒。滔滔泊泊的。漏。看著那男兒。女兒。啼啼哭哭的。走一霎。
裏身兒。命兒。飢飢寒寒的。瘦。哭介。哎。啲。神聖呵。你把這魂。
兒。魄兒。重重疊疊的。勾。可不道。蟲兒。蟻兒。也要哀哀迫迫。
的。救。天哭介。哎。啲。兀的不痛煞人也。麼哥。兀的不哭煞人。
也。麼哥。願早具章兒。疏兒。真真切切的奏。

叩頭許久。不覺疲倦起來。且在神前假寐。片時再行下山。便了。作隱几睡介。淨上。善哉善哉。人有善願。天必從之。王公聽者。你爲民請命。具見一片至誠。本司神自當代。顙上蒼。維持浩劫。你可速籌賑濟。力救沈災。爲斡旋造化之計。快快蘇醒。我神去也。下生朦朧醒介。呀。好生奇怪。方纔睡夢之中。明明見一位神道。教下官速賑災黎。以甦飢溺。洋洋如在。真乃靈爽式憑。不免望空拜謝一番。明日面見上司。稟商賑濟便了。拜介。

倘秀才謝神靈指示根由。把災禍暗中援救。起介。儀從暗

此之謂民
之父母

上俺待要挽轉狂瀾。憑赤手扶起那溝渠瘦道旁。朽才不
愧共安危。著疼熱的父母。

儀從擁下

爭賑第十五齣

儀從副淨門子引外冠帶上兩行畫戟樹江城。雨後西
湖山氣清。帖子祈晴晴未得。隔煙愁聽鶉鴉聲。升坐介
下官浙江藩司汪平簡是也。地連江海。任重錢糧。紅籬
屏藩。有察吏安民之責。黃金鎖鑰。兼持籌握算之勞。下
官寵綰銀符。時深冰惕。未種甘棠之蔭。偏逢洪水之災。

蒿目時艱。焦心日昃。今當屬員謁見之期。左右們傳諭
各官。有事進叅。無事回衙理事。副淨是傳介。大人傳諭
各官。有事進叅。無事回衙理事。內仁和縣知縣。有事稟
見。副淨轉稟外介。外請副淨請生上。

黃鐘

西地錦。五月江城風雨。釀成秋氣蕭疏。慈航誰把蒼生

渡。咳。東南民困難蘇。

進叅介。大人在上。卑縣稟叅外。貴縣少禮。來此有何公
事。生稟。大人近來淫雨爲災。田禾淹沒。飢饉載道。家室
流離。卑縣履勘所周。傷心慘目。特來稟商大人。設法賑

濟念卑縣呵

淒咽

降黃龍司牧攸關。親到鄉村。徧歷災區。淒涼道路。混漾田園。併合江湖。菰蒲哀嗷。鴻羽尋不出稻梁禾黍。願仁天放。光垂臂拯。伊疾苦。

〔外〕災民失所。我豈不知。只是國家經費有常。度支不給。本司亦無從爲力。

陳例相沿。動形掣肘。可歎。前腔躊躇欲拯夷傷。庫項錢糧。國家有數。新規難創。舊例須循。從何支取。倉儲縱然移用。問日後如何彌補。須知道救荒無政。持論休迂。

生大人此言差矣。國帑雖艱，災危宜恤。朝廷積貯原爲緩急之需，若但守陳規，不顧民命，殊非聖朝愛養黎元之意。

持論正大，能以雄直氣發爲古文章，豈得以詞家目之。

前腔嗟吁數郡生靈困苦顛連，不異嬰兒待哺，但言律例坐視流亡，豈是召棠郁黍，嗚呼君恩高厚，要不使一民失所，倘明公不憂飢溺，實負唐虞。

外怒介朝廷帑藏本司尙難擅動，怎敢率請移挪，出言唐突。

前腔支吾但博循聲浪託空談，政體全然不顧，災多費鉅。

聲口宛然
白描聖手

沈痛

居官錄
官小言誇。看你如何調度。生咬啣大人呵。妻孥無分貴賤。
一樣是人間男女。是誰教吾曹肉食。若輩溝渠。

外動色介貴縣言之痛切。本司豈置若罔聞。只是災傷
徧地。所費不貲。畢竟作何籌款。生大人。人臣在外。有利
於社稷。民人者。專之可也。若必籌款而後賑濟。則溝壑
之民。豈能久待。據卑縣淺見。目前救急之計。先宜開倉
糶穀。設厰賑飢。一面奏請發帑接濟。一面飭通省各員。
分俸倡捐。并地方紳富。出貲助賑。似此官民合辦。上下
秉公。事可速成。款有分屬。庶救災民於垂斃也。

黃龍衮要官紳共綢繆。官紳共綢繆。疾痛分調護。絕蠹防
奸。事事須公溥。這便是苦海慈航。憑風吹渡。外所論甚是。
待本司即日面商撫院。據情具奏。至各屬籌辦賑務章程。
卽煩貴縣擬稿呈核便了。生謝大人恩諭。外就此退衙。下
儀從副淨等隨下。生且喜藩司面允。俺王文錫好僥倖也。
要曉得司民社共安危。非邀譽。

尾聲。滋培民氣。須官府好接續。元陽一縷。尤只望天詔垂
恩。更賜租。

下

馳計 第十六齣

小生乘舟急上丑舟子搖上小生哎喲苦也彈淚介

此折乃過
脈文妙在

商調
過曲

水紅花淒風苦雨出金閨倚孤篷心神迷惘五湖煙

簡老

水接蒼茫泛寒漪淚痕凝漲小生王蔚霄只因祖父就養

來浙行抵江南奉父親之命前往迎接豈料祖父舟次吳

門忽然患病延醫診治百計無效竟於中途棄世真乃變

生不測為此飛速駕舟報與父親知道回望哭介哎喲我

那祖父呵誰道看山吳會夙願竟難償祇餘魂夢到錢塘

也囉

悲涼

想我父親朝夕引領北望。竊冀病體早痊。指日父子重
圓。親承色笑。豈料竟成永訣。若得此信。怎不迴腸寸斷
也呵。

老樹着花
無醜枝

金甌線解醒。生離已是傷。死別將何望。半面無由。十載成
虛想。煙波咫尺長。恁恁忙。便一刻團圓。也不妨。爲甚麼採
蘭未許。兒迎養。折葦難邀佛渡江。船家。你須速速趲行。不
可遲悞才好。丑。少爺放心。明日早到杭州。好討酒錢哩。小
生催烏榜。歎神魂南北。兩處飛揚。

下丑急搖舟同下

夢訣 第十七齣

神從引外神裝上。生爲循吏。歿爲神。認取金剛不壞身。
後日功名望兒輩。暫憑飛夢話前因。我神王鼎亨是也。
生前歷任滇南。游升甘肅平涼府知府。只因吾兒文錫。
遠宦浙江。堅請迎養。自顧衰頹。遂卽辭官赴浙。豈料長
途風雨。暑溼交蒸。老病孤舟。淹然長逝。冥司以平生居
官清正。惠澤在民。奏請天曹。銓授城隍司之職。不日便
須赴任。只是我兒文錫。睽隔多年。悠悠我思。曷其有極。
茫茫此別。不能無詞。爲此御風前來。與他夢中一晤。以

商音微動
卽爲化玉
一折引線
國手布局
總無一子
閒着

了塵緣。侍從們。速往臨安去者。衆應同外下。小旦上。

仙呂入
雙調

武武令。碧沈沈。庭梧晝寒。香渺渺。池荷涼顫。暗中惆

悵。怕秋風催扇。妾身黃氏。隨侍老爺在任。吹簫度曲。愧無

樊素之才。煮茗添香。幸備朝雲之列。近因水災徧地。民不

聊生。老爺辦賑勤勞。幾至不遑寢食。又因太老爺暨夫人

舟抵江南。至今未到。日深盼望。焦灼異常。今日老爺五鼓

出門。此時天已過午。尙未回衙。眞乃身心俱瘁也。公私事

兩憂煎。劣襟懷難排遣。闌干空倚遍。

生憂容上